


# ლიცეროსცურული საშური



საშურის მუნიციპალიტეტის ბაზეში „საშურის მოამბის“ დამატება  
№10, 28 ოქტომბერი, ორშაბათი, 2019 წელი

## ღვთიანსწავლი მხატვრის საოცარი სამყარო

ქ-ნი **ლალითავართქილაძე** იმ ადამიანთა რიცხვს მიეკუთვნება, ვინაც რჩეული ხვედრით დააჯილდოვა განგებამ. ეს ჯილდო სიყვარულია, რომელსაც უშურველად გასცემს და იღებს, ერთდროულად. პროფესიით ფარმაცევტს, მისი ცხოვრების შემოდგომის ჟამს „ახალი სუნთქვა“ გაეხსნა და, მოზაიკაში გაცხადებული უფლის ხელით, უსულო კედლების უსასრულობას ზღაპრული ფერებით აცოცხლებს.


ოზურგეთში ყველა იცნობს ექსტრავაგანტულობით გამორჩეულ ქალბატონს. ურეკის ცენტრალურ ქუჩაზე უმაღლესი მოსახვედრია მოზაიკით მოპირკეთებული სახლის ფასადი – უცნაური ნივთებით განწყობილი, – ეს ლალის აფთიაქია, ადგილი, რომელსაც ვერც უცხოელი ტურისტი და ვერც ჩვენებური ვერ აუვლის გვერდს, რადგან აქ, მედიკამენტებისა და პროფესიონალი ფარმაცევტის კონსულტაციის გარდა, სულის პანაცეასაც იღებენ ადამიანები. პანაცეა უფასოა, მხოლოდ შთაბეჭდილებების ჩანერის გარეშე ვერ დატოვებ იქაურობას. ბლოკნოტი კი ბევრია სააფთიაქო დახლზე – ლალის მოზაიკასავით ნაირფერი, არაერთი ცნობილი თუ უცნობი პიროვნების, ქართველი თუ უცხოელი დამსვენებლის (განურჩევლად სქესისა და ასაკის) გასაოცარი შთაბეჭდილებებით, მიძღვნილია და მადლიერებით სავსე. თავად ლალის ჩანაწერები ცალკე თემაა, ცხოვრების მატანა, მათში ჩანიშნული ყოველი ნუთი კი ალიონის ბინდ-ბუნდის სიხალისეს, ზღვაზე მონანავე, ვნებადამცხრალი მზის დისკოს ელვარებსა და ლამის მწუხრში გაყურსული სამყაროს სიმშვიდეს საოცარი ექსპრესიულობით შეგაგრძნობინებს.



სოფელ ოზურგეთში ლალის კარ-მიდამოს პირველი სართული მისი ჯადო ხელებით ამეტყველებულ, გიზო ნიშნიანობის სახელობის ლიტერატურულ დარბაზს აქვს დათმობილი. ორი წლის წინ, წმ. ნინოს სახელობის ურბნისის დედათა მონასტრის სატრაპეზო და სამწვერისის გაბრიელ მთავარანგელოზის სახელობის დედათა მონასტრის 10 მეტრის გუმბათოვანი სასანთლე დაამშენა მოზაიკით. სიტყვა „თვითნასწავლი“ მისთვის არაფერს ნიშნავს, რადგან ღვთის ნების გარეშე ვერაფერი წარმოუდგენია. საკუთარ ნიჭსაც „ღვთიანსწავლს“ უწოდებს და, ამ მადლით გულამომჯდარი, ბავშვივით, გულწრფელი ცრემლებით მადლობას უძღვნის უფალს.

ახლახან, არგენტინელი მხატვარი Magali Ortega დაინტერესდა მისი შემოქმედებით და საერთაშორისო პროექტში „**ჯანსაღი კვება ბავშვებს**“ მონაწილეობა შესთავაზა, რომელშიც უკვე 60-მდე ქვეყანაა ჩართული და რომლის მთავარი დევიზი პროექტში მსოფლიოს სხვადასხვა ქვეყნის ბავშვების მონაწილეობას გულისხმობს.

ამ და, კიდევ ბევრ, საინტერესო თემაზე ვისაუბრეთ მე და ქალბატონმა ლალიმ ურეკის ნოტიო სექტემბრის სისხამ დილით, რომელსაც, ამჯერად, სიამოვნებით ვუზიარებ ჩვენს მკითხველს.



## გადაბრუნებული ურემი და გზა დიდებისკენ

მამა – გიორგი (ყორა) თავართქილაძე გამორჩეული პიროვნება იყო ერუდიციით, პროფესიონალიზმითა და ნიჭიერებით. თუმცა, ცხოვრების ეკლიანმა გზამ ნაიარევი დიდხანს დაუტოვა. სამედიცინო ინსტიტუტის დამთავრების შემდეგ, სვერდლოვსკში სამუშაოდ განაწილებული რეპრესირებულის შთამომავალი (მამის მამა 1937 წელს დააპატიმრეს და ლათინური ენის ცოდნის გამო დახვრიტეს. ბათუმში აღმოჩენილ დახვრეტილთა ძვლებს შორის, ქ-ნ ლალის ბაბუის ძვლებიც იქნა ნაპოვნი... რიგით მე-4 ყოფილა!) დედასთან ერთად, საქართველოში, როგორც იტყვიან, ცარიელ-ტარიელი გამოაძვეეს და ბინაც ჩამოართვეს. უსახსროდ და ჭერის გარეშე დარჩენილი შერისხული ოჯახისთვის დახმარების ხელის განვდენა ვერავინ გაბედა, კედლებსაც რომ ყურები ჰქონდათ, იმ ეპოქაში. მხოლოდ ერთმა ნაცნობმა ათხოვა ურემი მცირე ბარგის მდინარეზე გადასატანად. მდინარე ბახვისწყალზე ურემი გადატრიალდა და რაც ებადათ, ისიც წყალმა წაიღო. თითქოს სიმბოლურიც იყო განგებისგან ძველ ხალხურ სიბრძნეში გაცხადებული ჭეშმარიტების მინიშნება: ურემი რომ გადაბრუნდება, გზა მერე გამოჩნდებაო. წყალმა, თითქოს უბედურებაც თან წარიტანა, გადაბრუნებულ ურემს კი გზის გამოჩენა მოჰყვა. დედასთან ერთად, ჯვალოაკრულ ნალიას შეფარებულმა ყორა თავართქილაძემ პირობა მისცა საკუთარ თავს და ბედისწერას, რომ წარმატებული გახდებოდა... დროთა განმავლობაში მამის რეაბილიტაციაც მოიპოვა და, მუხლჩაუხრელი შრომისა და ნიჭის წყალობით, ცხოვრების გზას ეკლები მოაშორა. წარმატებული ექიმი სულით ხელოვანი – მხატვარიც იყო, საკუთარი კერამიკის საამქრო ჰქონდა და, ჯერაც წითელი ბელადების ეპოქაში, უცხოეთის ქვეყნებში, „საბჭოეთიდან“ წარგზავნილი დელეგაციების უცვლელი წევრი გახლდათ.

## „წლების შემდეგ დაბრუნებული ვალი“

ქ-ნ ლალიც მამის კვალს გაჰყვა. სამედიცინო ინსტიტუტის წითელ დიპლომზე დამთავრებულს კათედრაზე ტოვებდნენ. არ დარჩა – მშობლიურ კუთხეს უნდა ვემსახუროო. რექტორმა ჩაირობროხა, თურმე: გოგონა, თქვენ ნიჭიერი კი ხართ, მარა სულელიც ყოფილხართო!

რამდენიმე წლის წინ, სახლის უკანა კედელზე შესრულებული პირველი მოზაიკური ნამუშევარი მამის ხსოვნას მიუძღვნა და, წლების შემდეგ, ამით, თითქოს ვალი დაუბრუნა მოზაიკოსს, მხატვარსა და ექიმ მამას.

ყოველ დღით, უთენია, ზღვის ნაპირზე გადის, მოზაიკისთვის სათითაოდ აგროვებს ნიჟარებს და, საღებავებით აფერადებულ ფანტაზიასაც დასასრული არ აქვს. ლურჯი ფერი დასჭირდა, მაგრამ რომ უნდოდა, ისეთი ლურჯი საღებავი ვერსად ნახა. და, ერთ დილას, ნამძინარევა ზღვამ ძველისძველი, ჩაუანგებული თუნუქის ქილა გამოიჩინა. შინ მისულმა, სასწრაფოდ გახსნა და, მის გოცებას საზღვარი არ ჰქონდა – ზღვამ სწორედ ის ფერი აჩუქა, მამის ხსოვნისადმი მიძღვნილი სათქმელი რომ ითხოვდა...



„ჩვენ კი არა, უფალმა შეგიშვა თავის სახლში...“

ხატვა არ ეხერხება, ამიტომაც ცარიელ კედელთან როდესაც დგება, წინასწარ არასდროს იცის, რას გააკეთებს, მხოლოდ ღვთის ნაკარნახევს ასრულებს. „ასე მგონია, ღვთის ხელი მკიდებს ხელს, მე მხოლოდ შემსრულებელი ვარ!“ – ამბობს ქ-ნ ლალი.

არც მაშინ იცოდა, რის შთაგონება ეწვეოდა, როდესაც ურბნისის დედათა მონასტრის კარი გაუღეს და უთხრეს – რაც გინდა, აკეთეო. იქ, სადაც, მცხეთაში გამგზავრებამდე, წმინდა ნინოს ერთი თვით დაუსვენია. საუკუნეების შემდეგ კი, რუის-ურბნისის კრება შეცვლის საქართველოსა და მის საჭეთმპყრობელთა ბედს... მაშინაც არ იცოდა, რა უნდა გაეკეთებინა, როდესაც სამწევრისის დედათა მონასტერში მიიწვიეს, მკურნალისა და მხედართმთავრის – ზაზა ფანასკერტელის ციხე-სიმაგრეში, სადაც უწინ, ლაზარეთი არსებობდა. თავად კი, ამ ყველაფრით მადლცხებულსა და მისადმი ნდობით გოცებულს, მეუფე იობი ღმერთით უპასუხებს:

„ჩვენ კი არა, უფალმა შეგიშვა თავის სახლში და სწორედ მან იცის, იქ რაც უნდა გააკეთო...“

ლალი თავართქილაძის მიერ მოპირკეთებული, ურეკის ცნობილი სანატორიუმის „კოლხიდას“ 200 მეტრამდე სიგრძის კედელი დამსვენებლის ინტერესს არ კარგავს, ამიტომაც, სანატორიუმის პიარ-მენეჯერობაც უყოყმანოდ მიანდეს ნიჭიერ ქალბატონს.

დეკანოზი პოეტის თამაზ ჩოხელის ცნობილი ხუთი იავნანა, რომელზედაც აჟღერებულ სიმღერებს დათო არჩვადე და თამარ ჭოხონელიძე ასრულებენ, ორი საგალობელი კი პატრიარქის ლოცვა-კურთხევით სრულდება, ქ-ნი ლალის მოზაიკური პანოს შთაგონებად იქცა, რომლის ხორცშესხმასაც უახლოეს მომავალში გეგმიან.

**საერთაშორისო პროექტი „ჯანსაღი კვება ბავშვებს“**

„ამ პროექტში მონაწილეობა დიდი რეკლამაა ამა თუ იმ ქვეყნისა და ქალაქისთვის, განსაკუთრებით, ჩვენი პატარა საქართველოსთვის. ოზურგეთში უკვე დავინყე პანოზე მუშაობა და პირველი მოსწავლე – ლალი კიკვაძე შემომიერთდა. მსოფლიოს ქვეყნებს შორის, ჩემი კუთხეც რომ გაიჟღერებს, ჩემთვის ბედნიერებაა. გრაფიკი უკვე განერილი მაქვს, თუმცა, სიამოვნებით ვიმუშავებ საქართველოს სხვა ქალაქებშიც, ადგილობრივი ბავშვების ჩართვით, რომლებსაც მოზაიკის საიდუმლოებასაც ვაზიარებ, თუ ამის მზაობა იქნება. მთავარია, ყველამ

გავითავისოთ ამ პროექტში ჩართულობის უდიდესი მნიშვნელობა. ვადა 20 აპრილამდეა. ბოლოს, ერთი დიდი მსოფლიო კონკურსი იქნება, რომელშიც მონაწილეობაც კი, უკვე გამარჯვებას ნიშნავს. ჩემს „facebook“ გვერდზე – Lali Tavartkiladze S Art ყველა ინფორმაცია და მოვლენა დევს დეტალურად ამ პროექტის შესახებ. ჩვენ მსოფლიო მოგვადევნებს თვალს...“



სამყარო გაცივდა და ერთმანეთის შესაფასებლად მხოლოდ აუგი გვემეტება, იშვიათი ნიჭია მოეფერო და შეიყვარო ადამიანი ამ ცივ და უკარება სამყაროში. „მიყვარხარ“ – ჩემი ცხოვრების კრედიოა. რაც შეიძლება, მეტი სიკეთე უნდა ვაკეთოთ, სიყვარული უნდა ვამრავლოთ. გაბრწყინებულ საქართველოს ვხედავ, მაგრამ სუფრას უნდა მოვშორდეთ, დღე ადრე უნდა დავიწყოთ და გვიან დავასრულოთ, რომ ბევრის გაკეთება მოვასწროთ...“

„ლიტერატურული ხაშური“ ულოცავს დაბადების დღეს ქ-ნ ლალი თავართქილაძეს.

წარმატება და ღვთის წყალობა არ მოგკლებოდეთ, საოცარო ქალბატონო.

ესაუბრა ევა ბაქრაძე



**Georgia**  
FOR A WORLD WITHOUT CHILD MALNUTRITION



**Lali Tavartkiladze**



# ახალი წიგნი



**მარინა ლომიძე**

„მე შენ გიპოვე“ – მარინა ლომიძის კიდევ ერთი პოეტური კრებული გამოვიდა სამზეოზე, მისი ფაქიზი სულის ანაბეჭდებით გაჯერებული. ავტორი, ლექსების მსგავსად, მოკრძალებით, გულწრფელობითა და უბრალოებით გხიბლავს და ამალღებულ განცდებზე გაფიქრებს.

ლექსი-ემოცია – ასე შეიძლება უწოდო მის ყოველ სტრიქონს, საიდანაც იმერეთის საუცხოო სურნელი იფრქვევა და გრძნობ, სიყვარულის უზარმაზარ კალათში, იმ კუთხის შვილთათვის დამახასიათებელი ჩვეული სისხარტით, როგორ აწყობს სულის ნობათს, ჩვენთვის მოსართმევს...

„მე შენ გიპოვე!“ – ავტორი გაცემითა

და აღტაცებით მიმართავს უფალს, რომელიც ტაძარში მდგომმა, საკუთარ გულში სიყვარულად გაბატონებული ჰპოვა.

მისი ფაქიზი სული ვერ ეგუება მენწრილმანე, უსამშობლო, ნილაბმორგებულ სახეებს. მისთვის ყველაზე მნიშვნელოვანი ადამიანური ფასეულობებია.

ზოგჯერ, ავტორის ბავშვური, მიამიტური ემოცია გაფიქრებინებს, რომ ეს სიფრიფანა სული სულაც არ ჰგავს ცხოვრების ქარ-ცეცხლში გამობრძმედილი ქალის ბუნებას. ბავშვობიდან მოსდევს მამის სიტყვებიც:

„გული ადამიანის პატარა საიდუმლო ოთახია, სადაც ყველაფერია, რაც კი გჭირდება!“

ჰოდა, ეს წიგნიც მარინა ლომიძის გულია – ბუნებრივი, წრფელი, მღელვარე და გასაფრთხილებელი, სამშობლოს ბედ-იღბალსა და მოყვასზე ტკივილიანი სიყვარულით ამღერებული...

კლარა გელაშვილი

## გამათბე, მზეო...

გამათბე, მზეო,  
სიცივისგან სულიც გაცივდა,  
გული ვერ უძლებს ამ სიმკაცრეს,  
კვნესის, კანკალებს,  
ზარის ხმა მიხმობს ნათლისმცემლის  
წმინდა ტაძრიდან,  
გუმბათის თავზე უცხო ძალა  
ტოვებს ნაკვალევს!  
აღვირახსნილთა თარეშს ვუცქერ  
ჩემი სარკმლიდან,  
თანაც, სიჩუმის და სინდისის  
ქენჯნა მანვალებს,  
მომეცი ძალა, მოვიშორო  
უტყვი დუმილი,  
გულანთებული შევუერთდე  
მართალთა გვამებს.  
გამათბე, მზეო, გევედრები,  
სული გამითბე,  
თუ ამ მიწაზე ცოდვილი ვარ, –  
ზეცა დამითმე.

## მინდა გავექცე

მინდა გავექცე უგულობას,  
უმადურობას, უსულობას  
მინდა გავექცე!  
გაუტანლობას, ქედმაღლობას,  
უგნურებას, შურს და ბოღმას  
მინდა, გავექცე!  
რომ ვერ ვხედავდე უზნეობას,  
ურწმუნოებას, უვიცობას  
მინდა, გავექცე!  
მაგრამ სად, ღმერთო?!  
მომეშველე, რომ არ დავეცე...

## გალაკტიონი

I

ჩაბნელებული ოთახი, მწირი,  
ჩამოშვებული მზის მუქი ფარდა,  
გალაკტიონი სიბნელეს ებრძვის  
და თაფლის სანთელს უმაგრებს შანდალს.  
მარტოობის ცრემლს ვინ მიუხვდება,  
სიცივე ძვლებში ამტვრევს ბოლომდე,  
ხელის ცახცახით წერილს წერს: „იქნებ,  
გამომინეროთ პალტო, როგორმე“...  
მთლად გაუძარცვავთ ქუჩაში რეგვენთ,  
წაურთმევიათ ფეხსაცმელები,  
ჩირად არ უღირთ უვიცებს მისი  
ოქროდ ნაქარგი ჩანაწერები...  
უცნაური ხმით დაიწყებს მოთქმას:  
– დაუხუჭესო, ნეტავი, თვალი?...  
როგორ გავძლოო, ახლა ფხიზელმა?  
თავიც მომბეზრდა ყოველდღე მთვრალი!..  
ოჰ, ღმერთო, რისთვის?! „მას გახელილი,  
ჰო, გახელილი დარჩა თვალები!“  
იქ, სიშორეში... ო, ჩემო ოლოლ,  
სული მენწრვის და მებრალეები!  
გარეთ ისევ წვიმს, ღრიალებს ქარი,  
მე მიყვარს წვიმა და მიყვარს ქარი...  
მიყვარდა ისიც... და აღარ არის!..  
შორიდან სევდით ღიღინებს მტკვარი...  
დროდადრო, ჩუმად უთვალთვალევენ,  
რეჟიმი ებრძვის ცოცხალ გენიას,  
აზრის ჩახშობა, ღირსების აყრა,  
სიკვდილი! – ნუთუ ეს დარჩენია?!  
არარად უღირს პოეტს სიცოცხლე,  
კვლავ სანაპირო უხმობს, დარდიანს,  
რას გაიგონებს კაცი უარეს?!  
ეჰ, „კუხარკების“ პოეტს ადრიან!..  
უნდობლობა და ათასი ჭორი,  
არც თანამდგომი, არც გულისწორი...  
და, ქუჩის ბოლოს, ხის ძირში მწოლი,  
ათენებს ღამეს გალაკტიონი...

II

„ჯვარს ეცვი თუ გინდა, საშველი არ არის“...  
საავადმყოფო როდი შველის სულს, დამძიმებულს!  
აქაც, სანოლიც ვერ მონახეს, ზურგი აქციეს,  
დერეფნის კუთხე მიუჩინეს, შეშლილად ქცეულს.  
თავად მწერლებმაც არ დაინდეს, სახე არიდეს,  
უსიტყვობისგან მეფე პოეტს უკვდება გული,  
სიკვდილის ლანდი აედევნა, ნაზად ხვევს ხელებს,  
ვარდისფერ გზაზე შედგომა ხომ არ არის რთული?  
ნაბიჯი მძიმე, ტვირთი მძიმე, სარკმელი ღია,  
სული ნაპირებს ეხეთქება, გაფრენას ღამობს,  
გრგვინვა-გრიალით, სადღაც ლურჯა ცხენები ქრიან...  
სხეულს ტოვებს და დედამინას დუელით ამხობს!..

## კოჰაბიტაცია

შეიძლება ცხვართან მგელის დაბმა?!  
იცხოვრებენ ისე, როგორც და-ძმა?  
დამყარდება ეს კოჰაბიტაცია? –  
თუ, ეს, „ამის“, ის „იმისი“ კაცია?!  
რა იქნება, ნაცვლად უცხო სიტყვისა,  
ქართულად ვთქვათ: „აი, თანაცხოვრება“,  
გულში გვქონდეს სიყვარული ქვეყნისა,  
მოგვეცემა ამით სულის ცხოვნება.  
ყველა კაცი თუკი ასე იფიქრებს, –  
„სამშობლოა უპირველეს ყოვლისა“,  
შინაარსი მხოლოდ მაშინ იქნება  
ცხვრის და მგელის ერთ მინდორზე ძოვისა!



# ღ ე ბ ი უ ც ი



მსნანა ხოსიძე

\* \* \*

როცა სურვილი  
აზღვევს ნაპირებს,  
მაშინ მწყურია,  
რას ქვია მერე!  
სამზერს გადასცდა  
შენი სახება,  
ღამეული და  
ვნების დამჯერე...  
და, მე, უსასომ, წამიერება  
ვერ ვიმზვე და  
ვერ შევაჩერე...  
ზღვარს შეუგრძნობი  
ჩვენი სულები,  
ფარვანებივით,  
ნალველში ფრენენ.

## რობაიები

კაცთა სიხარბეს აღარა აქვს დასასრულია,  
სულსწრაფად ხვეჭენ, არ ედებათ თვალზე რულია,  
ვილას ანალვლებს ბრძენთა-ბრძენის ნაანდერძევი:  
„არსობის წიგნში პირველ მარცვლად სიყვარულია.“

\* \* \*

სულწასულობა უმწიფართა გულის ძგერაა,  
დაიგვიანებ? სარგებელიც სხვისი წერაა!  
და თუ საწურთოს შესაფერი ვერ შეურჩიე, –  
მცირე შეცდომაც უზოგველი ბედისწერაა.

## ტრიოლეტი

ჩემი დღეები ფერგაცლილი ზამბახებია,  
ფურცელ და ფურცელ მინაკუნებს კორიანტელი,  
შენ რომ გგონია ნებიერი სვეთა ფანტელი, –  
ჩემი დღეები ფერგაცლილი ზამბახებია.  
მე, შენი გზნება ეულს, შლეგად ამბობხებია  
სულში ვით გითმო სავანები იმდენ-ამდენი?..  
ჩემი დღეები ფერგაცლილი ზამბახებია,  
ფურცელ და ფურცელ მინაკუნებს კორიანტელი.

\* \* \*

მე წავალ, ვითომ არ ვარ ცალი და  
როგორც კონკია, მეჯლისს მიველი,  
მე წავალ, როგორც ამორძალი და  
როგორც იმედის ლურჯი ფრინველი.  
მე წავალ, ფრთებით განაზებული,  
უმწეო, როგორც ღამის ფარვანა,  
მე წავალ, სულით გალაღებული,  
როგორც სხეულის მჩატე ნირვანა.  
მე წავალ მდარე წუთისოფლიდან,  
ვით უფლისწული ცას მიდიოდეს,  
როგორც დუელში ცხელი ოფლი და  
სისხლი ღვარივით გადადიოდეს.  
წუთისოფელში დამრჩება მქისედ  
ბევრი ხარბი და ბევრი მოდავე,  
არას გამადლით, მე წავალ ისე,  
როგორც წასულა ყველა მოკვდავი.

## გვიანი ელეგია

მთვარის ნამიან და ბეც კივილზე,  
მკერდს იკანრავენ მიდამოები...  
და ზესთა ლტოლვას მზერას უკენკავს  
ჟამი, საცნობი ამაოების.  
ასე მგონია, ჩემი არსება  
ღვთის ნებით კი არ დაბადებულა,  
რომ შეუცნობელ სამყაროს სული  
აქ, უნებურად, დავანებულა.  
და, მკრთალეული, კვალს ვეცეცები,  
სადაც პირქუში სუფევს წყვილიაღი,  
უღრანი ყოფის აბდაუბდაში  
გზააბნეული ავბორიალდი.  
და ვით ბზარიან, მრუდე სარკეში,  
ანარეკლები ტრიალდებიან,  
მადლის ლანდები, ნაღმა ნაკვეთი,  
ცხადში პირუკუ რიალდებიან.  
ვგრძნობ, გაოგნებულს, როგორ და რითი  
ავად მევსება ხელის გულები  
და, შეუცნობელ სამყაროს მკვიდრნი,  
ნიშნის მოგებით თრთიან სულები.  
და მეჩვენება, ცით მოკვეთილი,  
მინის ლაბირინთს როცა ვშორდები,  
თვითდარბეული, ნაალაფარი  
გრძნეულთ სამყაროს ვემშვიდობები.

\* \* \*

თითქოს მნათობნიც შემომლიმოდნენ –  
ბედნიერების ზღვას მოჰგავხარო,  
არა და, მაინც, ვინ გაგვიმიჯნა  
ჩემი სამყარო, შენი სამყარო?..  
აღბათ, ღმერთები თუ ოხუნჯობდნენ –  
სიყვარულის და სევდის მომმადლი,  
ჩვენც ისე ავცდით ერთიმეორეს,  
როგორც ორბიტას – მისი ხომალდი.  
და მტკივა, როგორ ანაზდეულად  
შემოგვეფეთა გზაგასაყარი,  
რომ დედამინამ ვერ მოგვიძებნა  
ორი სამყაროს თავშესაფარი.

## ჩემს ზოდიაქოს

მობურულ ცაზე ქადილით ელავს,  
ზესთა ზის ფიცით დანაბარები  
და ნაქარიშხლარ ახოვან მხრებზე,  
აბჯრებს ირგებენ ცხენ-ფაფარები.  
და მოკუშტებულ კაბადონებზე  
ფლოქვთა გრიალი ქუხს დაუნჯებით,  
ფარულ განზრახვას დახარბებულნი,  
ფრთებს გამართავენ ისართ ბლუჯები.  
და მოთქარუნე კენტავრთა რემა  
ღრუბელს გაჰკვეთავს, როგორც ბრმა ტყვია  
და მშვილდოსნების ნაიარევი  
ნაომარ ზეცას ელდად ატყვია.